

## Sèkan kah SiōngChú ê Chhiong tút

4 Lín tiongkan ê chengtàu kah oanke sī tùi tóu-lâi ê? Kám m̄ sī tùi lín thê-lâi putsî teh chengtàu ê iòkbōng lâi ê? 2 Lín siàusiū<sup>n</sup> lín bô ê mihkiā<sup>n</sup> khiok tit bē tiòh, sói tòh thâi sí lāng; lín thamkiū khiok tit bē tiòh, sói lín tòh chengtàu oanke. Kísit, lín tit bē tiòh só ài ê mihkiā<sup>n</sup>, sī inūi lín bô tùi SiōngChú kiū. 3 Lín sui-jian ū kiū, m̄ koh tit bē tiòh, sī inūi lín kiū ê tōngki bô hó, sī kanta<sup>n</sup> teh kiū boánchiok kakī ê hiónglòk. 4 Lín chia-hê ímloān ê lāng ah, lín kám m̄ chai, kah sèkan chò pēngiú tòh sī teh kah SiōngChú chò tùi-ték? Sói, ài beh chò sèkan ê pēngiú ê lāng, tòh sī SiōngChú ê ték-jîn. 5 Keng-tián kóng,

**SiōngChú ài I siú<sup>n</sup>sù hō lán ê lēng, ài kah khi-chhiò.** Lín kám siū<sup>n</sup> kóng chit kù ōe sī bô ì-sù ê? 6 M̄ koh, SiōngChú siú<sup>n</sup>sù hō lán ê intián koh khah tōa, inūi keng-tián ū kichài:

**SiōngChú kah kiaungō ê lāng chò tùi-ték,**

**siú<sup>n</sup>sù intián hō khiampi ê lāng.<sup>5</sup>**

7 Sói, lín tiòh sūnhòk SiōngChú, hoánkhòng Mōkú, Mōkú tòh ē tōpī lín. 8 Lâi chhinkīn SiōngChú, SiōngChú tòh ē chhinkīn lín. Lín chia-hê chōe-jîn ah, lín tiòh kiatchēng lín ê chhiú; samsim líongì ê lāng ah, lín tiòh kiatchēng lín ê sim. 9 Lín tiòh iukhó, pisiong, thîkhàu; tiòh kā lín ê chhiò-ông piànchò aisiong, hoa<sup>n</sup>hí piànchò iuchhiú. 10 Lín tiòh tī Chú ê bīnchēng khiampi, l tòh ē kā lín koseng.

## M̄ Thang Phoephêng Hia<sup>n</sup>tī Chímōe

11 Hia<sup>n</sup>tī chímōe, lín m̄ thang hō-siong kóng pháin<sup>o</sup>e. Kiànnā kóng hia<sup>n</sup>tī chímōe ê pháin<sup>o</sup>e, á sī phoephêng hia<sup>n</sup>tī chímōe ê lāng, tòh sī teh kóng lúthoat ê pháin<sup>o</sup>e, á sī teh phoephêng lúthoat. Lí nā phoephêng lúthoat, lí tòh m̄ sī chunhēng lúthoat ê lāng, khiok sī lúthoat ê

## 世間 kah 上主 ê 衝突

4 Lín 中間 ê 爭鬥 kah 冤家是 tùi tó 位來 ê? Kám m̄ 是 tùi lín 體內不時 teh 爭鬥 ê 慾望來 ê? 2 Lín siàu 想 lín 無 ê 物件卻得 bē tiòh, 所以 tòh thâi 死人; lín 貪求卻得 bē tiòh, 所以 lín tòh 爭鬥冤家。其實, lín 得 bē tiòh 所愛 ê 物件, 是因為 lín 無對上主求。 3 Lín 雖然有求, m̄ koh 得 bē tiòh, 是因為 lín 求 ê 動機無好, 是 kanta<sup>n</sup> teh 求滿足 kakī ê 享樂。 4 Lín chia-hê 淫亂 ê 人 ah, lín kám m̄ 知, kah 世間做朋友 tòh 是 teh kah 上主做對敵? 所以, ài beh 做世間 ê 朋友 ê 人, tòh 是上主 ê 敵人。 5 經典講:

上主 ài 祂賞賜 hō 咱 ê 靈, ài kah 起嫉妒。 Lín kám 想講 chit 句話是無意思 ê? 6 M̄ koh, 上主賞賜 hō 咱 ê 恩典 koh khah 大, 因為經典有記載:

上主 kah 驕傲 ê 人做對敵,

賞賜恩典 hō 謙卑 ê 人<sup>5</sup>。

7 所以, lín tiòh 順服上主, 反抗魔鬼, 魔鬼 tòh ē 逃避 lín。 8 來親近上主, 上主 tòh ē 親近 lín。 Lín chia-hê 罪人 ah, lín tiòh 潔淨 lín ê 手; 三心兩意 ê 人 ah, lín tiòh 潔淨 lín ê 心。 9 Lín tiòh 憂苦、悲傷、啼哭; tiòh kā lín ê 笑容變做哀傷, 歡喜變做憂愁。 10 Lín tiòh tī 主 ê 面前謙卑, 祂 tòh ē kā lín 高升。

## M̄ thang 批評兄弟姊妹

11 兄弟姊妹, lín m̄ thang 互相講 pháin<sup>o</sup> 話。 見若講兄弟姊妹 ê pháin<sup>o</sup> 話, á 是批評兄弟姊妹 ê 人, tòh 是 teh 講律法 ê pháin<sup>o</sup> 話, á 是 teh 批評律法。你若批評律法, 你 tòh m̄ 是遵行律法 ê 人, 卻是律法 ê 審判官。 12 律法 ê 制定者 kah 審判者只有一位, tòh 是 ē 拯救, mā ē 毀滅 ê

<sup>5</sup> ChG 3:34

箴 3:34

símphòà<sup>n</sup> koa<sup>n</sup>. 12 Lúthoat ê chètēng chiá kah símphòà<sup>n</sup> chiá chíū chít ūi, tòh sī ē chínkiù, mā ē húibiát ê Hit Ūi. Lí sī siá<sup>n</sup> lāng, kèngjiān ká<sup>n</sup> phoephēng lí ê chhùpi<sup>n</sup>?

## M̄ thang Khoakháu

13 Lín ū lāng kóng, “Kin'ájit á sī bîn'áchài, goán beh khì bō chítê siá<sup>n</sup>, koh tī hia tòh chít nī, chò senglí thànchî<sup>n</sup>.” M̄ koh, lín tiòh thia<sup>n</sup> góa kóng, 14 lín chinchià<sup>n</sup> liān bîn'áchài ē piàn ánchóa<sup>n</sup> to m̄ chai. Lín ê sè<sup>n</sup>miā sī siá<sup>n</sup>mih? Lín chí putkò sī chít phiàn hūnbū, chhuthiān chitsī'á kú, liāmpi<sup>n</sup> tòh siausit khì. 15 Lín engkai tiòh ánne kóng, “Chú nā goānì, goán tòh ē oáh, mā ē tàng chò che chò he.” 16 M̄ koh, lín chit má khiok teh kiaungō̄ khoakháu; chit khoán ê khoakháu lóng sī siâok ê.

17 Sói, lāng nā chai engkai tiòh chò hósū, khiok m̄ khì chò, tùi i lâi kóng, che tòh sī hoānchōe.

Hit 位。你是啥人，竟然敢批評你 ê 厝邊？

## M̄ thang 誇口

13 Lín 有人講：「今 á 日 á 是明 á 載，阮 beh 去某一个城，koh tī hia tòh 一年，做 senglí thàn 錢。」 M̄ koh, lín tiòh 聽我講， 14 lín 真正連明 á 載 ē 變 án 怎都 m̄ 知。Lín ê 性命是啥物？Lín 只不過是一片雲霧，出現一時 á 久，liāmpi<sup>n</sup> tòh 消失去。 15 Lín 應該 tiòh ánne 講：「主若願意，阮 tòh ē 活，mā ē tàng 做這做 he。」 16 M̄ koh, lín chit má 卻 teh 驕傲誇口；chit 款 ê 誇口 lóng 是邪惡 ê。

17 所以，人若知應該 tiòh 做好事，卻 m̄ 去做，對伊來講，這 tòh 是犯罪。